



## INFORMACIJA O RADU LOKALNE DIJALOŠKE PLATFORME U PARTNERSKIM JEDINICAMA LOKALNE SAMOUPRAVE



Implementiraju:



## 1. Opšte informacije o projektu

Projekat „Pravednije društvo: Promocija društvene kohezije i raznolikosti u Bosni i Hercegovini-Dijalog za budućnost 3“ (DFF3 projekat) finansira Fond za izgradnju mira Generalnog sekretara Ujedinjenih nacija (PBF), a zajednički provode Razvojni program Ujedinjenih nacija (UNDP), Organizacija Ujedinjenih nacija za obrazovanje, nauku i kulturu (UNESCO) i Fond Ujedinjenih nacija za djecu (UNICEF) u Bosni i Hercegovini u saradnji sa Predsjedništvom Bosne i Hercegovine i Ministarstvom civilnih poslova Bosne i Hercegovine.

Projekat se fokusira na jačanje društvene kohezije, međusobnog povjerenja i aktivnog učešća mladih kroz obrazovne, kulturne i ekološke inicijative. Projekat se provodi na području 10 jedinica lokalne samouprave (JLS) u Bosni i Hercegovini i to: Bosanska Krupa, Doboj, Glamoč, Gornji Vakuf - Uskoplje, Milići, Mostar, Stolac, Teslić, Tuzla i Zvornik.

## 2. Opšte informacije o Lokalnoj dijaloškoj platformi

Lokalne dijaloške platforme (LDP) predstavljaju mehanizam za uključivanje građana i građanki u procese donošenja odluka na lokalnom nivou. LDP će služiti kao okosnica za sprovedbu aktivnosti u okviru DFF3 projekta pozivajući sve građane i građanke sa područja partnerskih lokalnih zajednica, a posebno mlade, da postanu aktivni učesnici i učesnice pozitivnih promjena. Ove platforme bi u ciljnim zajednicama trebale biti uspostavljene ili revitalizirane, ukoliko su ranije već uspostavljene kroz različite UN projekte. Poseban naglasak na radu LDP-a se odnosi na uključivanje mladih i stvaranje otvorenog i poticajnog okruženja za različite članove i članice zajednice da se pridruže, da izraze svoje mišljenje i potrebe. Poseban fokus bit će stavljen na aktivno učešće mladih žena.

LDP-ovi će pružiti prostor građanima, a posebno mladima, za diskusiju o temama koje su povezane s potrebama zajednice te za pronalaženje rješenja koja mogu graditi mostove ili ukloniti (često nevidljive) prepreke unutar zajednice u svim aspektima života. Ove platforme će služiti ne samo kao forum za razmjenu ideja, već i kao podsticaj za aktivnije uključivanje u život zajednice i saradnju sa lokalnim vlastima i drugim relevantnim akterima u zajednici. Teme o kojima će se diskutovati u okviru LDP-a trebaju odgovarati na identifikovane probleme koje su adresirali učesnici i učesnice, a posebno teme iz oblasti **zaštite okoliša, obrazovanja, razvoja vještina mladih, promocije kulture i umjetnosti**.

Lokalne dijaloške platforme će služiti kao ključni mehanizam za praćenje svih intervencija i aktivnosti koje se implementiraju i koje odgovaraju postavljenim prioritetima, osiguravajući njihovu koherentnost i usklađenost. Istovremeno, ove platforme će omogućiti kontinuiranu koordinaciju između agencija uključenih u sprovedbu projekta, a što je i važnije lokalnih partnera. LDP-ove će facilitirati DFF3 projekat u bliskoj saradnji s lokalnim vlastima, a sastanci će se organizovati u prostorijama lokalnih samouprava.

Kroz ove platforme, projekat će pilotirati inovativne i zajednički osmišljene simulacije, projekte, i inicijative usmjerene ka budućnosti, koristeći ih kao alat za zajedničko promišljanje i vizualizaciju budućnosti. Ovim pristupom će se stvoriti siguran prostor za članove i članice zajednice da zajedno i ravnopravno oblikuju budućnost i dijele vrijednosti. Diskusije će biti usmjerene na ključne tematske oblasti – kulturu, obrazovanje i zaštitu okoliša ali i na druge teme, te će služiti i kao platforma za mlade da predlažu konkretna rješenja za izazove u svojim

zajednicama. Bez obzira na tematske oblasti, svi programi i inicijative će uključivati aspekte izgradnje mira i povjerenja i jačanja društvene kohezije, kako bi se osigurala dugoročna održivost i pozitivni društveni efekti.

### **3. Opšte informacije o strukturi, načinu izbora članstva i aktivnostima uspostave Lokalne dijaloške platforme**

#### **3.1. Struktura Lokalne dijaloške platforme (LDP)**

LDP predstavlja mehanizam za dijalog i saradnju između građana i građanki, posebno mladih, lokalne uprave, organizacija civilnog društva, obrazovnih i drugih institucija s ciljem promovisanja inkluzivne participacije građana i građanki u rješavanju zajedničkih izazova i unapređenju kvaliteta života u lokalnoj zajednici.

LDP će biti multisektorsko tijelo, sastavljeno od najmanje sedam, a najviše 15 članova i članica, koji će biti ravnopravno zastupljeni kako bi osigurali raznovrsnost perspektiva i ekspertize.

Članovi i članice mogu dolaziti iz sljedećih ustanova i/ili organizacija:

- Lokalne uprave – predstavnici i predstavnice općinskih/gradskih odjela zaduženih za društvena pitanja, mlade, obrazovanje i okoliš.
- Skupštine opštine / općinskog vijeća / skupštine grada – vijećnici / odbornici koji imaju interes za rad s mladima i građanski angažman.
- Lokalnih prominentnih OCD-a – organizacije s iskustvom u aktivizmu, zagovaranju i rješavanju problema u zajednici.
- Savjeta/Vijeća mladih – tijela koja zastupaju interese mladih na lokalnom nivou.
- Omladinskih organizacija – organizacije koje rade s mladima u oblastima građanske participacije, kulture, obrazovanja i okoliša.
- Privrednog sektora – preduzetnici i preduzetnice, poslovni subjekti zainteresovani za razvoj zajednice i podršku mladima.
- Javnih ustanova – predstavnici i predstavnice škola, domova zdravlja, centara za socijalni rad i drugih institucija koje igraju važnu ulogu u društvenom životu zajednice.

#### **3.2. Način izbora članova**

Članove i članice LDP-a imenuje načelnik/gradonačelnik na mandat od dvije godine (februar 2025 – januar 2027). Po isteku mandata, članovi i članice mogu biti ponovno imenovani, a njihovo učešće u radu LDP-a je isključivo na volonterskoj osnovi.

Proces izbora članova i članica će uključivati:

- Javni poziv i nominacije – lokalna uprava i partneri u projektu će objaviti poziv za nominaciju članova i članica iz različitih sektora.
- Evaluacija prijave – stručna komisija će pregledati prijave i predložiti sastav LDP-a na osnovu kriterija relevantnog iskustva, ekspertize i interesa za razvoj zajednice.
- Zvanično imenovanje – načelnik/gradonačelnik donosi odluku o imenovanju članova LDP-a.
- Uvodni sastanak i planiranje rada – nakon imenovanja, LDP će održati inicijalni sastanak na kojem će se članovi upoznati s misijom, ciljevima i načinom rada platforme.

### **3.3. Koraci u uspostavi Lokalne dijaloške platforme**

Uspostava LDP-a će se odvijati kroz sljedeće faze:

- Identifikacija organizacija i institucija koje mogu dati doprinos radu LDP-a (februar 2025.)
- Konsultacije s lokalnom upravom o modalitetima rada platforme (mart 2025.)
- Objavljivanje javnog poziva i odabir članova i članica (mart 2025)
- Imenovanje članova i članica od strane načelnika/gradonačelnika (mart 2025).
- Održavanje uvodnog sastanka i definisanje pravila rada (mart – april 2025.)
- Rad i aktivnosti LDP-a (mart 2025 – januar 2027)

### **3.4. Dinamika sprovedbe planiranih aktivnosti u okviru Lokalne dijaloške platforme**

Sastanci LDP-a će se održavati najmanje jednom u tri mjeseca, uz prethodnu najavu i provjeru dostupnosti članova i članica LDP-a. Kontinuitet rada platforme će biti osiguran kroz koordinaciju s lokalnim vlastima, pri čemu će JLS identifikovati službu ili osobu zaduženu za organizaciju i vođenje sastanaka. Pored toga, predstavnik/ca DFF3 projekta će pružiti podršku u moderiranju diskusija i facilitiranju rada lokalne dijaloške platforme.

Rad i obaveze članova i članica LDP-a biće definisani kroz Poslovnik o radu Lokalne dijaloške platforme, koji će predložiti, kreirati i usvojiti sami članovi i članice platforme. Na kraju svakog sastanka biće sačinjen izvještaj sa zaključcima, koji će biti dostavljen svim članovima i članicama i objavljen na službenoj internet stranici JLS, osiguravajući transparentnost rada platforme i dostupnost informacija široj zajednici.

### **3.5. Osnovne aktivnosti lokalne dijaloške platforme**

- Identifikacija potreba i problema građana i građanki, s posebnim fokusom na mlade;
- Predlaganje inicijativa i projekata u saradnji s lokalnom upravom, privrednim sektorom i građanima:
- Organizacija tematskih foruma, radionica i dijaloga između građana, posebno mladih, lokalnih vlasti i civilnog društva;
- Kreiranje i implementacija konkretnih akcija i inicijativa koje doprinose lokalnom razvoju i građanskoj participaciji;
- Praćenje efekata aktivnosti i priprema preporuka za unapređenje politika za uključivanje građana u procese donošenja odluka, posebno mladih;
- Evaluacija učinka LDP-a i konsultacije sa zajednicom o daljem razvoju platforme;
- Predlaganje poboljšanja i mogućnosti za nastavak rada LDP-a nakon 2027.